

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02-1120/20  
Sarajevo, 18.06.2020. godine

## ZAPISNIK

### **6. VANREDNE SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 18. juna 2020. godine**

Sjednica je počela u 12:49 sati.

Sjednicom je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio delegate, predstavnike Vlade Federacije Bosne i Hercegovine te predstavnike medija koji prate rad sjednice.

Izostanak sa sjednice su najavili: Mirela Trepanić, Nikola Bosnić, Vibor Handžić i Elmedin Konaković.

Prema evidenciji Stručne službe, sjednici prisustvuje 52 delegata što čini većinu pa Dom naroda može raditi i punovažno odlučivati.

Vlada Federacije Bosne i Hercegovine je utvrdila i dostavila Prijedlog zakona o izmjeni Zakona o utvrđivanju i ostvarivanju potraživanja građana u postupku privatizacije sa prijedlogom da se razmatra po skraćenom postupku.

Predsjedavajući je, u skladu sa članom 164. Poslovnika o radu Doma naroda Parlamenta Federacije Bosne i Hercegovine, stavio na glasanje da se ovaj Prijedlog zakona razmatra po skraćenom postupku.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine sa 51 glasom za i jednim glasom protiv prihvatio da se Prijedlog zakona o izmjeni Zakona o utvrđivanju i ostvarivanju potraživanja građana u postupku privatizacije razmatra po skraćenom postupku.

Prije izjašnjavanja o predloženom dnevnom redu, delegat Slađan Ilić se javio kako bi obavijestio delegate da je održana sjednica Kluba delegata srpskog naroda na kojoj je on izabran za predsjednika Kluba, a delegatkinja Daliborka Milović za zamjenicu predsjednika Kluba.

Zatim je predsjedavajući stavio na glasanje predloženi dnevni red i na osnovu rezultata glasanja konstatovao da je Dom naroda Parlamenta Federacije Bosne i Hercegovine sa 52 glasa za usvojio sljedeći:

## DNEVNI RED

1. Prijedlog zakona o izmjeni Zakona o utvrđivanju i ostvarivanju potraživanja građana u postupku privatizacije – skraćeni postupak,
2. Izvještaj Odbora za utvrđivanje činjenica o nabavci 100 respiratora iz Narodne Republike Kine koji su plaćeni 10,5 miliona KM,
3. Informacija o mjerama Vlade Federacije BiH sa pregledom dostavljenih informacija o nabavkama po Zaključku, V broj: 583/2020 od 30.4.2020. godine  
Informacija o radu Federalne uprave civilne zaštite od usvajanja Odluke o proglašenju stanja nesreće uzrokovano pojavom koronavirusa (COVID 19) na području Federacije BiH sa Izvještajem o postupku svih nabavki, a posebno medicinske opreme od 16.3.2020. godine i dopuna izvještaja o provedenim postupcima javnih nabavki u Federalnoj upravi civilne zaštite.

### **1. Prijedlog zakona o izmjeni Zakona o utvrđivanju i ostvarivanju potraživanja građana u postupku privatizacije - skraćeni postupak**

Vlada Federacije Bosne i Hercegovine je utvrdila i dostavila Prijedlog zakona Parlamentu Federacije Bosne i Hercegovine radi razmatranja i donošenja.

Predstavnički dom Parlamenta Federacije Bosne i Hercegovine je obavijestio Dom naroda Parlamenta Federacije Bosne i Hercegovine da je na 8. sjednici održanoj 20.11.2019. godine usvojio Prijedlog zakona o izmjeni Zakona o utvrđivanju i ostvarivanju potraživanja građana u postupku privatizacije u tekstu kako ga je predložila Vlada Federacije.

Prijedlog zakona obrazložila je predstavnica Vlade Federacije Bosne i Hercegovine Nusreta Čerkez.

U raspravi su učestvovali Ivo Tadić i Nusreta Čerkez.

Budući da je predsjedavajući Tomislav Martinović je izrazio sumnju u rezultate glasanja, izvršeno je pojedinačno glasanje koje je obavio sekretar Doma naroda Izmir Hadžiavić.

Na osnovu rezultata pojedinačnog glasanja predsjedavajući je konstatovao da je Dom naroda Parlamenta Federacije Bosne i Hercegovine sa 34 glasa za i 10 suzdržanih glasova usvojio Prijedlog zakona o izmjeni Zakona o utvrđivanju i ostvarivanju potraživanja građana u postupku privatizacije.

### **2. Izvještaj Odbora za utvrđivanje činjenica o nabavci 100 respiratora iz Narodne Republike Kine koji su plaćeni 10,5 miliona KM**

Odbor za utvrđivanje činjenica o nabavci 100 respiratora iz Narodne Republike Kine koji su plaćeni 10,5 miliona KM je dostavio svoj Izvještaj.

Izvještaj je obrazložio predsjednik Odbora dr. Dragan Stevanović.

U raspravi su učestvovali: Zvonko Marić, Dragan Stevanović, Žarko Vujović, Ivo Tadić, Senad Ahmetović, Aner Žuljević, Jasmin Duvnjak, Damir Džeba, Fahrudin Skopljak, Damir Marjanović, Mladen Simić, Vibor Handžić, Ivan Ivić, Damir Jurišić, Marija Iličić, Senad Čeljo, Ilija Ilić i Zdenka Džambas

Predsjedavajući je stavio na glasanje Prijedlog zaključka Odbora za utvrđivanje činjenica o nabavci 100 respiratora iz Narodne Republike Kine.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 39 glasova za i jednim glasom protiv usvojio sljedeći

## ZAKLJUČAK

Dom naroda Parlamenta Federacije Bosne i Hercegovine je usvojio Izvještaj Odbora za utvrđivanje činjenica o nabavi 100 respiratora iz Narodne Republike Kine koji su plaćeni 10,5 miliona KM te ga stavlja na raspolaganje javnosti i svim drugim zainteresovanim institucijama.

Nakon toga predsjedavajući je stavio na glasanje Zaključak delegata Senada Ahmetovića, kojim bi se izmjenio naziv Odbora za utvrđivanje činjenica o nabavci 100 respiratora u Odbor za provjeru javnih nabavki i kojim bi Dom naroda produžio mandat Odboru za provjeru javnih nabavki do daljnog sa istim članovima iz Odbora za utvrđivanje činjenica o nabavci 100 respiratora.

Na osnovu rezultata glasanja predsjedavajući je konstatovao da Dom naroda Parlamenta Federacije Bosne i Hercegovine nije usvojio predloženi zaključak jer su prilikom glasanja četiri delegata glasala za i 30 delegata je bilo suzdržano.

### **3. Informacija o mjerama Vlade Federacije BiH sa pregledom dostavljenih informacija o nabavkama po Zaključku, V broj: 583/2020 od 30.4.2020. godine**

**Informacija o radu Federalne uprave civilne zaštite od usvajanja Odluke o proglašenju stanja nesreće uzrokovano pojavom koronavirusa (COVID 19) na području Federacije BiH sa Izvještajem o postupku svih nabavki, a posebno medicinske opreme od 16.3.2020. godine i dopuna izvještaja o provedenim postupcima javnih nabavki u Federalnoj upravi civilne zaštite.**

Vlada Federacije Bosne i Hercegovine je utvrdila i dostavila Informaciju o mjerama Vlade Federacije BiH radi razmatranja i donošenja.

Predstavnički dom Parlamenta Federacije Bosne i Hercegovine je na nastavku 10. vanredne sjednice održane 1.6.2020. godine razmatrao Informaciju o mjerama Vlade Federacije BiH sa pregledom dostavljenih informacija o nabavkama po Zaključku, V broj: 583/2020 od 30.4.2020. godine i Informaciju o radu Federalne

uprave civilne zaštite od usvajanja Odluke o proglašenju stanja nesreće uzrokovano pojavom koronavirusa (COVID 19) na području Federacije BiH sa Izvještajem o postupku svih nabavki, a posebno medicinske opreme od 16.3.2020. godine i dopunu izvještaja o provedenim postupcima javnih nabavki u Federalnoj upravi civilne zaštite te usvojio Zaključak.

Informaciju o mjerama Vlade Federacije Bosne i Hercegovine obrazložio je federalni ministar razvoja poduzetništva i obrta, Amir Zukić.

Nakon toga delegatima se obratio i predstavnik Federalne uprave civilne zaštite Mustafa Kadribegović.

U raspravi su učestvovali: Dragan Stevanović, Ilija Nakić, Žarko Vujović, Senad Ahmetović, Zdenka Džambas, Dževad Hadžić, Jelka Milićević, Marko Saraf, Mladen Simić, Mustafa Kadribegović i Jasmin Duvnjak.

Potom je predsjedavajući stavio na glasanje Informaciju o mjerama Vlade Federacije BiH sa pregledom dostavljenih informacija o nabavama po Zaključku, V broj: 583/2020 od 30.4.2020. godine sa Informacijom o radu Federalne uprave civilne zaštite od usvajanja Odluke o proglašenju stanja nepogode pouzrokovane pojavom koronavirusa (COVID 19) na području Federacije BiH sa Izvještajem o postupku svih nabavki, te je konstatovao da Dom naroda Parlamenta Federacije Bosne i Hercegovine nije usvojio navedenu Informaciju jer su 22 delegata glasalo za, osam delegata je bilo protiv i dva delegata su bila suzdržana.

Nakon toga predsjedavajući je stavio na glasanje zaključak delegata Žarka Vujovića.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 34 glasa za usvojio sljedeći

## **ZAKLJUČAK**

Dom naroda Parlamenta Federacije Bosne i Hercegovine traži od Koordinacijskog tijela BiH formiranog u skladu sa Odlukom Vijeća ministara Bosne i Hercegovine i zaduženog za prijem i raspodjelu donacija da što prije pristupi raspodjeli donirane medicinske opreme.

Sjednica je završena u 18:50 sati.

\*\*\*

Transkript sjednice čini sastavni dio Zapisnika.

**SEKRETAR**

Izmir Hadžić

**PREDSJEDAVAJUĆI**

Tomislav Martinović